

四庫全書

子部

欽定四庫全書

子部

太平御覽卷三百

五十九至
六十四

詳校官中書

臣葉元符

員外郎臣牛稔文覆勘

總校官降調編修

臣

倉聖脈

校對官中書

臣

李荃

膳錄監生

臣

莊文耀

欽定四庫全書

太平御覽卷三百五十九

宋 李昉等 撰

兵部九十

羈

珂

羈

障泥

防汗

當胃

鞘尾

鞭

柳

羈

許慎說文曰羈馬絡頭也

左傳曰晉公子重耳之及難也秦伯納之及河子犯以

璧授公子曰臣負羈縶從君巡於天下

杜預曰羈馬韁也

臣

之罪甚多矣請由此亡

又曰初晉侯之豎頭須守藏者其出也竊藏以逃

文公出時

也

盡用以求納之及入求見公辭以沐謂僕人曰居者

為杜稷之守行者為羈縻之僕其亦可也何必罪居者
漢書曰今漢承衰周暴秦極弊之後流俗已薄於三代

而行堯舜之刑是猶以鞶

音幾

羈而御驛馬

如淳注曰以絕繫馬領曰

鞶驛突之馬也

東觀漢記曰光武皇帝雖發師旁縣人馬席薦鞵鞵皆
有成賈而貴不侵民樂與官市

康泰吳時外國傳曰加營國王好馬月支賈人常以舶
載馬到加營國國王悉為售之若於路失羈鞵但將頭

皮示王王亦售其半價

郭頌晉世語曰愍懷太子好卑鷄小馬小牛置田舍令左右騎斷羈勒令墜馬

韓詩外傳曰昔衛獻公走反國及郊將班邑於從者而後入太史柳莊曰如皆守社稷則孰負羈勒而從如皆從則孰守社稷君反國而復為私也無乃不可乎

釋智匠古今樂錄曰襄陽銅蹄歌曰龍馬紫金鞍翠毛

白玉羈照曜雙厥下知是襄陽兒

杜夷幽求曰羈蚊絆蚤禁其非法剗蠟屠虱求其肝膽
非至精誰能知之

又曰銜羈之馬伏櫪之駒莫不思平原曠澤翹尾而馳
陸也

又曰琯羈鏤絆呼名翹陸不可化也

夢書曰羈韁為相要制也夢得羈韁要約士也羈結語
言韁往來也羈結疆堅結勑疆也弊絕不用難俛仰也

摯虞逸驥詩曰逸驥無鑣轡騰陸從長川剪落就羈勒
飛軒躡雲煙

孫綽詩曰野馬閑於羈澤雉屈於樊神王自有所何為
人事間

傅玄馳射馬賦曰百鳥齊興六驥孔閑金銜玉羈文
防鏤鞍明珂景朗華鞞采鮮

傅玄良馬賦曰金羈在首發以明珂鏤鞍采鞞織防含

華

鞞音
茸

傳玄難良馬賦曰飾以金羈申以玉纓結以輕軒節以和鈴

曹植遊俠篇曰白馬飾金羈連翩西北馳借問誰家子幽并遊俠兒

孫惠三馬哀辭序曰余於物特所留心而所服三馬壹時離羈感田子之愛遂作哀文云爾

珂

服虔通俗文曰勒飾曰珂

郭義恭廣志日期調國出金銀白珠琉璃水晶器五色珠馬珂

又曰剽刃國出桐華布珂珠具艾香雞舌香

傅玄樂府豫章行曰輕裘綴孔翠明珂曜珊瑚
張華輕薄篇曰文軒樹羽蓋乘馬珮玉珂

韉

隋書曰宇文述素好着奇服炫耀時人云定興為製馬韉於後角上鉄方寸以露白色世輕薄者爭放學之謂

為許公銖勢又遇天寒定興曰宿衛必當耳冷述曰然
乃製袂頭巾令深褊耳又學之名為許公褊勢述大悅
曰云兄所作必能變俗我聞作事可法故不虛也

障泥

王隱晉書曰韓友字景先廬江舒人舒縣廷掾王睦卒
病死已呼魂家人就友卜令以丹畫板作日月置尸頭
前及卧虎皮馬障泥登時大愈

蕭方等三十國春秋曰高勾驪以千里馬生羆皮障泥

獻於南燕燕王超大悅答以水牛能言鳥

世說曰王武子善解馬性嘗乘一馬着連乾障泥前有
水終不肯渡王云此必是惜障泥使人解去便徑渡

防汗

東觀記曰和帝永元三年西謁園陵桓郁兼羽林中郎
將從賜馬二疋并鞍勒防汗

魏百官名曰黃地金鏤織成萬歲彰汗一具又織成彰
汗一具

桓寬鹽鐵論曰古者庶人賤騎繩控草鞮皮薦而已及其後革鞍攻成鐵鑣不飾令富者黃金琅勒蜀繡弇汗司馬彪戰略曰孟達將蜀兵數百降魏魏文帝以達為新城太守太和元年諸葛亮從成都到漢中達又欲應亮遺亮玉玦織成彰汗蘓合香亮使郭模詐降過魏興太守申儀與達有隙模語儀亮言玉玦者已決織成者言謀已成蘇合香者言事已合

當胃

後漢書曰太守趙興署鮑永功曹時有矯稱侍中止傳舍者興欲謁之永疑其詐諫不聽出興遂駕往永乃拔佩刀截馬當胷乃止

當胷以韋為之也

後數日莽詔書果下捕

矯稱者永由是知名

鞞尾

服虔通俗文曰馬鞞尾曰鞞

魏百官名曰赤茸鋤石鞞尾一具

鞭

禮記曰獻車馬者執策綏

又曰君車將駕則僕執策立於馬前已駕僕展軫

鄭玄

曰展軾具視

効駕

自己駕也

奮衣由右上取貳綏

奮振去塵也貳副也

執茨

分轡驅之五步而立

左傳曰晉公子重耳之及於難也及楚楚子享之曰公

子若反晉國則何以報不穀對曰若以君之靈得反晉

國晉楚治兵過於中原其避君三舍若不獲命其左執

鞭弭右屬橐鞬以與君周旋

又曰宋告急於晉伯宗曰不可雖鞭之長不及馬腹

又曰楚靈王使圍徐以懼吳楚子次于乾谿以為之援

雨雪王皮冠秦復陶翠被豹舄執鞭以出執鞭以教令右尹

子革夕

子革鄭丹也夕暮也

王見之去冠被舍鞭與之語

又曰晉荀瑤帥師伐鄭鄭馬弘請救於齊陳成子救鄭

及濮雨不能涉成子衣製杖戈製雨衣也立於阪上馬不出

者助之鞭之

公羊傳曰陽虎將殺季孫于蒲圃使臨南御之至孟僂

臨南投策使陽越下取策

陸璣毛詩草木蟲魚疏曰椐枝葉似楨松爾雅曰椐櫨

也

去櫨切

節以扶老即金靈壽是也今人以為馬鞭及杖

孔叢子曰刑以齊民譬之於御則鞭策也

漢書曰婁敬云太王以狄伐故去豳杖馬筮去居岐

又曰石慶為太僕御士上問車中幾馬慶以策數馬畢

舉手曰六馬

又曰李廣擊匈奴匈奴兵多破廣軍生得廣廣時傷置

絡間而卧行十餘里廣陽死睨其傍有一胡兒騎馬騰而上胡兒馬因鞭馬南馳數十里得其餘軍

又曰大司空士夜過奉長亭亭長呵之告以官名亭長醉曰寧以符傳耶士以馬箠擊亭長

漢獻帝起居注曰李傕性喜鬼怪左道之術又於朝廷省門為董卓設神坐數以羊祠之詞畢過省閣問帝起居求入見傕帶三刀手復與鞭合持一刀侍中侍郎見傕帶伏皆惶恐亦帶劔持刀先入在帝側

張勃吳錄曰大皇帝大會飲宴下馬迎魯肅肅入拜起
禮之謂言子敬孤持鞍下馬相迎足以顯末肅趨進曰
未也衆咸愕然既坐徐舉鞭曰願麾下威德加于四海
然後以安車軟輪徵肅始當顯耳帝拊掌歡笑

又曰大皇帝潛軍於皖口命陸遜為大都督假鉞大皇
帝親執鞭以見之

虞溥江表傳曰孫權攻合肥不能下徹軍將退兵以上
道權與呂蒙蔣欽陵統等在後張慢飲食畢垂當發魏

將張遼帥六七千人奄至圍遮數重權乘駿馬上津橋南已見徹丈餘無板谷利附在馬後使持戈緩鞚利於後著鞭以助馬勢遂得超度

王隱晉書曰上黨鮑瑗家多喪病貧苦淳于叔平曰君舍東北有乘樹徑至市入門數十步當有一人持新馬鞭便就買還以懸北桑樹三年當暴得財也瑗遂承其言詣市果得馬鞭懸之正三年浚井得錢數十萬銅鐵雜器復可二十餘萬於是家業用展病者亦愈

于寶晉記曰晉永嘉初有神見衮州甄域民家免奴為主簿自號為樊道基有嫗號成夫人欲迎致使載車行當得此免奴主簿從行為譯以宣所宜汝南梅跡字仲真去鄴來經衮州聞其然因結羊世茂阮士公諸賓往觀之成夫人便遣主簿出當與貴客語主簿死不肯避成夫人因大噴索士公馬鞭脫主簿鞭之

何法盛晉中興書曰祖逖與劉琨中夜而坐相謂曰若四海鼎沸豪傑並起吾與足下相避於中原後琨與親

舊書曰吾枕戈待旦志梟逆虜常恐祖生先人着鞭耳
沈約宋書曰胡蕃字道序義旗起桓玄戰敗將出奔藩
於南掖門捉玄馬鞍曰今羽林射手猶有八百皆是義
故西人一旦捨此欲歸可復得乎玄直以馬鞭指天而
已於是奔散

蕭方等三十國春秋曰石勒遣石虎率精騎五千掩李
矩營生執矩外甥郭謂之弟元教元作書與謂說云去
年東平曹疑西賓猗盧矩如牛角何不歸命勒與謂

書餉麀尾歸勒說賓禮貴弟相同斷金往物為信矩所領將士並欲歸勒矩知衆之去已乃率衆來歸

又曰城都王穎誅黃門孟玖於是東海王鉞高密王簡皆懼奔國瑯琊王睿又將出焉而徼禁甚密穎又先下諸津禁其諸貴人王至河陽乃見拘焉宋典後至以鞭拂之曰舍長官禁貴人而爾見止耶因大笑之吏乃放遣因得奔國

崔鴻前秦錄曰符堅起教武堂于渭城命太學生明陰

陽兵法教為將士朱彤諫曰虎將之士受教學生強幹之術乃弱本之方夫養將之法譬之養馬秣以高樞習以戰馭長鞭策後金勒制前析施規矩任知進退

又曰符堅引群臣議代晉太子左率右越曰今歲鎮守斗福德在吳弗可犯且國有長江之嶮朝無昏政之臣願保境養民伺其虛隙堅曰武王伐紂逆歲犯星夫差威陵上國為勾踐所滅雖有長江其能固乎吾之衆投鞭於江足斷其流吾當內斷其心矣

又曰符堅時關中諛曰長鞘馬鞭擊左股太歲南行當避虜秦呼鮮卑為白虜慕容垂起關東歲在癸未

崔鴻後梁錄曰咸寧二年盜發張駿墓得珠簾琉璃珊瑚馬鞭

樂資春秋後傳曰魯仲連曰齊閔王將之魯夷維子為執鞭而從之

袁希之漢表傳曰費禕領漢節誘納降附越雋太守張嶷牋試禕曰昔岑彭率師來歙杖節咸皆見害刺客不

鎮也今明公位尊權重宜覽前事後歲首禘持節行酒
郭循以馬鞭中小刀刺禘禘數日薨

魏百官名曰駝馬鞭二枚

異苑曰長山張舒以元嘉九年二月二十四日奄見一
人着朱衣平上幘手捉青柄馬鞭云汝何可教便隨我
去見素絲繩繫長梯來下舒上梯仍造大城綺堂洞室
地如黃金有一人長大不巾幘獨坐絳紗帳中語舒曰
主者誤取汝賜汝秘術卜占勿貪錢賄舒亦不覺受之

劉義慶幽明錄曰餘杭人沈縱家素貧與父同入山還
未至家見一人左右導從四百許前車輜重馬鞭夾道
鹵簿如二千石遙見縱父子便喚住就縱手中燃火縱
因問是何貴人答曰是關山玉在餘杭南縱知是神叩
頭云願見祐助後入山得一玉狔從此如意

又曰桓玄既肆無君之心使御史害太傅道子於安城
玄在南州坐忽見一平上幘人持馬鞭通云蔣侯來玄
驚愕然便見階下奴子御幘車見一士大夫自云是蔣

子文君何以害太傅與為伯仲顧視之間便不復見
又曰廣陵韓咎字興彥陳敏反時與敏弟恢戰於尋陽
還營下馬覺鞭重見有綠錦囊中有短卷書着鞘皆不
知所從來開視之故穀紙或神呪經

謝氏鬼神列傳曰下邳陳超為鬼君弼所逐改名何規
從餘杭步道還求福絕不敢出入五年後意漸替解與
親舊臨水戲酒酣共說往來超云不復畏此鬼也小俛
首乃見鬼影在水中起驚怖時亦有乘馬者超借馬騎

之下鞭奔驅此鬼去超遠近常如初微聞鬼云汝何規耶急急就死

吳會分地記曰六山者勾踐於此山鑄銅銅不鑠則埋之上生馬箠勾踐遣使者移於南社種之飾治以為馬箠獻於吳

劉欣期交州記曰兕出九德有一角角長二尺餘形如馬鞭柄

關駟十三州志曰山桑縣人俗貪偽好持馬鞭行邑故

語曰沛國龍亢至山桑詐託旅使若奔喪道遇寇抄遂失資糧

太公陰謀曰武王曰吾欲造起居之誠隨之以身筆書曰馬不可極民不可劇馬極則躓民劇則敗

莊子曰莊子使楚見空髑髏髐然

司馬彪曰髐白骨兒

檄以馬箠

而問之曰夫子貪生理而為此乎將有亡國之事斧鉞之誅乎語卒援髑髏而枕

又曰馬蹄可以踐霜雪毛可以御風寒齧草飲水翹足

而陸此馬之真性也及至伯樂曰我善治馬燒之剔之刻之錐之連之以羈帛編之以皂棧馬之死者十二三矣饑之渴之馳之驟之齊之前有楸失之患後有鞭策之威而馬之死者已過半矣

淮南子曰昔者王良造父御也投足調均勞逸若一安勞樂進馳騫若成左右若鞭周旋若環世皆以為巧然未見其貴也若夫鉗且太丙之御也除轡舍衛去鞭棄策軍車莫動而自舉馬莫使而自走

又曰大丈夫恬然無思澹然無慮以天為蓋以地為輿
四時為馬陰陽為騶電以為鞭策雷以為車輪

鹽鐵論曰無鞭策雖造父不能以調四馬無勢位雖舜
禹不能以治萬民

又曰秦攝利銜以御宇內執修篳以笞八極

杜夷幽求曰召渴者以臨河不待便策而自至

說苑曰默無過言慤無過事木馬不能行亦不費食騏
驎日馳千里鞭箠不去其背

楊偉時務論曰轡策鞚繫之具設雖剛怒麤戾啼齧之馬若足拘鞚繫口銜車勒箠策必至則躡躡循軌

世說曰王敦在姑熟晉帝出看敦營敦覺追帝帝以金馬鞭與客舍姪姪以水澆馬尿令追者問姪姪云去已久已追者乃止也王澄字平子從荊州下過王敦敦謀欲害之而平子左右二十八人悉捉鐵馬鞭

夢書曰鞭箠所使有勅走也夢得鞭箠欲有使也持以策馬使朋友也鞭使馬疾諾喜也

曹植九詠曰乘逸嚮兮執電鞭忽而往兮悅而旋

曹植陌上桑曰望雲際有真人安得輕舉繼清塵執電鞭騁飛鱗

張華輕薄篇曰文軒樹羽蓋乘馬珮玉珂橫簪列瑁璫長鞭施象牙

楊雄河東賦曰奮電鞭驂雷輜鳴洪中建五旗

魏文帝臨渦賦曰建安十八年中譙余兄弟從上拜墳墓遂乘馬遊觀經東園遵渦水相洋乎高樹之下乃註

馬書鞭為渦賦

傳玄良馬賦曰鞭不得搔手不及動忽然增逝肉飛骨踴

傳玄馳射馬賦曰佷如革戾如膠鞭裁向腹奮尾跳尻
曹植表曰願得策馬執鞭首當塵路撮風后之奇接吳
孫之要追慕卜商起予左右

李尤馬箠銘曰御者箠策示有威怒東野之敗督責過
度

溫嶠與陶公書曰奉惠赤角一具及鞞鼓馬鞭鼓角既周軍用馬鞭服以周旋琬之于乎與之偕老也偃武之日乃當藏之篋笥耳

謝艾密令與楊初曰今遣舍人孔章特口論要密將軍可差腹心人旨至珊瑚鞭勒香璫一具遺王擢王擢狐疑于將軍父子事得施矣

袁宏與范增書曰四海鼎沸天轡將移杖短策以晨征登重幙以吐奇指六合以倒戈望崑崙而舉麾

柳

魚豢魏畧曰獻帝露布益州曰馬擊柳而不暇解貫冑
延頸以待白刃

蜀志曰靈帝末先主從校尉鄒靖討賊有功除安喜尉
督郵以公事到縣先主求謁不通乃直入府縛督郵杖
二百解綬繫其頸著馬柳棄亡命

常璩華陽國志曰建寧郡同瀨縣存馬縣雍閭反時結
繫于縣山繫馬馬柳柱生成林今夷言無梁林無梁夷

言馬也

蕭子雲晉史草曰姚畧時有賀僧者不知何人自云遊
歷五郡時人號為賀五郡齋戒奉道為百姓說吉凶畧
死泓立僧謂泓曰宜潔掃一馬廐開屋設大柳有異馬
其大非常

趙書曰徐光字秀武頓丘人父以牛醫為業光年十四
五為將軍王陽秣馬光但書馬柳屋柱為詩頌不親馬事
異苑曰丹陽甘卓字季思照鏡無頭乃見在馬柳

荀氏靈鬼志曰泰元中有道人從外國來多有術法自
說所受術師曰衣非沙門也嘗行見一人擔上有小籠
子可受斗餘語擔人云吾步疲極欲憩寄居擔人甚怪
之慮是狂人便語君欲何取自屠邪答云君若見許正
欲入君此籠子中擔人愈怪其奇君能入籠中便是神
人也即入籠中籠亦不更大擔亦不覺重至國中一家
大富而性慳惜不行仁義語擔人吾試為君一破慳囊
即至其家有一快馬甚惜之在柳下繫忽失去尋求不

知處明日見馬在五斗甕中終不可破取不知何方得取之便往語言君作百人厨食周餉窮困者馬當得出耳主人即狼狽作之既畢馬還在柱

淮南萬畢術曰馬柳生腐茅者取馬柳生茅可以為藥食

太平御覽卷三百五十九

欽定四庫全書

太平御覽卷三百六十

宋 李昉等 撰

人事部一

叙人

孕

叙人

釋名曰人仁也生物也

易下繫曰天地氤氲萬物化醇男女構精萬物化生

又叙卦曰有天地然後有萬物有萬物然後有男女有男女然後有夫婦

又說卦曰立人之道曰仁與義

尚書泰誓曰惟天地萬物父母惟人萬物之靈

禮記禮運曰何謂人情喜怒哀懼愛惡欲七者弗學而能何謂人義父慈子孝兄良弟悌夫義婦從長惠幼順君仁臣忠十者謂之人義講信修睦謂之人利爭奪相殺謂之人患故聖人所以治人七情修十義講信修睦

尚辭讓去爭奪舍禮何以治之

又曰飲食男女人之大欲存焉死亡貧苦人之大惡存焉故欲惡者心之大端也人藏其心不可測度也美惡皆在其心不見其色也欲一以窮之舍禮何以哉故人者其天地之德陰陽之交鬼神會五行之秀氣也故

人者天地之心也五行之端也食味別聲被色而生者

也

此言兼氣性之効也

又樂記曰人生而靜天之性也感於物而動性之欲也

物至知知然後好惡形焉

左傳昭二年鄭子產曰人生始化曰魄魄形也既生魄陽

曰魂陽神氣也用物精多則魂魄疆物權勢也是以有精爽至於

神明

春秋元命苞曰五氣之精交聚相加以迎陽道人致和

五氣五行之氣

又曰陰陽之性以一起人副天道故生一子

又曰天人同度正法相受垂文象人行其事謂之教教

之為言效也上為下效道之始也

又曰仁者情志好生愛人故其為人以人其立字二人

為仁

仁人言不專於念施與也

又曰聖人一其德智者循其轍長生久視

二其德言盡得其帝之精

氣也循其轍言不違其帝所尚也知是則皆得長生久視言所行當天也

不以命制則愚者

悖慢智者無所施其術殘物逆道天不殺故立三命以

垂策所以尊天一節三者法三道之術

不以命制愚慢之人則賢道術

不得施行勢相反

命者天之令也所受於帝行正不過得壽命

壽命正命也起九九八十一

帝天帝也八十一陽氣相乘送之極

有隨命

隨命者隨行為命也

援神契曰隨者逆天道常善之行則隨其暴虐行以教之

有遭

命遭命者行正不誤逢世殘賊君上逆亂辜咎下流災

譴並發陰陽散忤暴氣雷至滅曰動地絕人命沙塵襲

邑是

忤錯也襲猶淪也河水淪沙塵之邑溺殺人也

春秋演孔圖曰正氣為帝間為臣宮商為姓秀氣為人

正氣謂若木人則得蒼龍之形靈威仰之氣火人得朱鳥之形赤燥怒之氣以生之者也間氣則不苞一行各

受一星以生若蕭何感昴精樊噲感狼精周勃感亢精者也

又繁露曰唯人獨偶天地人有三百六十節偶天之數
形體骨肉偶地之厚上有耳目聰明日月之象也體有
空竅理脉川谷之象也有哀樂喜怒神氣之數故小節
三百六十六副日數也大節十二分副月數也內有五
藏副行數也外有四肢副時數也乍視乍瞑副晝夜也
乍柔乍剛副冬夏也乍哀乍樂副陰陽也

樂動聲儀曰中元者人氣也氣以定萬物通於四時者
也

爾雅曰太平之人仁

東至日所出為太平

丹穴之人智

距齊州以南戴日為

丹穴大蒙之人信

西至日所入為大蒙

崆峒之人武

孝經曰天地之性人為貴人之行莫大於孝

家語曰魯哀公問於孔子曰人之命與性何謂也孔子

對曰分於道謂之命

始得為人故下句曰命者性之始

形於一謂之性

人各受陰陽剛柔之性故形於一

化於陰陽象形而發謂之生化窮數

盡謂之死故命者性之始也死者生之終也有始則必有終矣人始生而不具有五焉日無見不能食不能

行不能言不能化及生三月而微煦

煦情轉也

然後有見八

月生齒然後能食暮而生臙然後能行三年顚合然後

能言十有六而精通然後能化陰窮反陽故陰以陽變

陽窮反陰故陽以陰化是以男子八月生齒八歲而齠十

有六而化女子七月生齒七歲而齠十有四而化一陰

一陽可偶相配

陽數奇陰數偶

然後道合化成性命之端形於

此也

又曰堅土之人剛弱土之人柔墟土之人大沙土之人

細息土之人美垆土之人醜

垆托字也息土細
緻垆土麓疏者也

保蟲三

百六十而人為之長

又曰孔子遊泰山見營啓期鹿裘帶索鼓琴而歌孔子

問曰先生所以為樂者何也對曰吾樂甚多天生萬物

唯人為貴而吾得為人是以一樂男尊女卑吾得為男

是以二樂人生有不見日月不免絀絀者吾已行年九

十是三樂也貧者事之常死者人之終處常得終當何

憂哉

又曰人有五儀有庸人有士人有君子有賢人有聖人
審此五者則理道畢矣

漢書曰司馬遷曰凡人所以生者神也所託者形也神
大用則竭形大勞則弊神離則死死不可復生離者
不可復返故聖人重之

鬻子曰天地闢萬物生人為正焉人化而為善禽獸化
而為惡人而不善者謂之禽獸

老子曰人法地地法天天法道道法自然

文子曰人之情欲平嗜慾亂之精氣為人人受天地變

化而生一月而膏

初形骸如膏脂

二月而脉

漸生筋脉

三月而胚

胚

也三月如水龍壯也

四月而胎

如水中之鰕蟻之胎

五月而筋

氣積而成筋

六月

成骨

血化肉肉化脂脂化骨

七月成形

四支九竅成

八月而動

動作九月

而躁

動數如前

十月而生形骸乃成五藏乃形

又曰昔者中黃子曰天有五方地有五行聲有五音物

有五味色有五章人有五位故天地之間有二十五人

也上五有神人真人道人至人聖人次五有德人賢人

智人善人辯人中五有公人忠人義人禮人次五
有士人工人虞人農人商人下五有衆人奴人惡人肉
人小人上五之與下五猶人之與牛馬也

又曰智於萬人者謂之俊百人者謂之傑十人者謂之
豪

列子曰戴髮含齒倚而趨謂之人

管子曰人水也男女精合而水流形二月而咀咀者伍
味是伍藏也酸生脾鹹生肺辛生腎苦生肝甘生心藏

已具而後生伍肉脾生髓肝生骨腎生筋肺生革心生
肉肉已具然後生九竅脾為鼻肝為目腎為耳肺為口
心為下竅五月而成十月而生

淮南子曰古未有天地之時惟象無形窈窈冥冥鴻洞
莫知其間有二神經營天地

二神陰陽之神也

於是乃別陰陽

離為八極剛柔相成萬物乃形煩氣為蟲精氣為人
是故精神天之有也骨骸地之有也精神入其門而骸反
其根

又曰言無常是行無常宜者小人也察於一事通於技

者中人也若覆而并有之技能而裁使之者聖人也裁制

也度其技能而裁制使也

又曰故頭之圓也象天足之方也象地有四時五行九

解九解者八方中央也三百六十六日人亦有四肢五臟九竅三

百六十骨節天有風雨暑寒人亦有取與喜怒故膽為

雲脾為風腎為雨肝為雷以與天地相參也而心為之

主是故耳目者日月也

公孫尼子曰人有三百六十節當天之數形體有骨肉當地之厚也有九竅脉理當川谷也血氣者風雨也

白虎通曰男女者何謂男男任也任功業也女者如也如從人也

風俗通曰天地初開未有人女媧擣黃土為人力不暇乃引絙於泥中以為人富貴黃土人也貧賤凡庸絙人也人物志曰夫精欲深微質欲懿重志欲弘大心欲謙小精微所以入神妙也

麓則失神

懿重所以崇德宇也

操則失身

志

大所以堪物也

小則不勝

小心所以慎咎悔也

大則驕陵

由此論

之小心而志大者豪傑之俊也心大而志小者傲蕩之類也心小而志大者拘悞之人乎

任子曰木氣人勇金氣人剛火氣人強而躁土氣人智而寬水氣人急而賊

傅子曰人之性如水焉置之圓則圓置之方則方澄之則淳而清動之則流而濁

孕

易漸卦曰鴻漸于陸夫征不復婦孕不育凶

王弼注曰夫婦妍醜

非夫而孕故不育

尚書泰誓曰商王受焚炙忠良剗剔孕婦

左傳曰晉惠公之在梁也梁伯妻之梁嬴孕過期卜招父與其子卜之其子曰將生一男一女招曰然男為人臣女為人妾故名男曰圉女曰妾及子圉西質妾為宦女焉大戴禮曰周后娠成王於身立而不跂坐而不差獨處不倨雖怒不詈胎教之謂也書之玉版藏之金匱置之

宗廟為後世戒

史記曰后稷名棄母有邠氏女曰姜嫄為帝嚳元妃出野見巨人跡心說願之乃踐之身動如孕者期而生后稷

又曰秦之先顓頊之苗孫曰女修玄鳥墮卵修取吞之有孕生子大業

又曰昔夏氏之將衰也有二龍止於夏庭龍亡烝在櫝而藏之至周厲王發而觀之烝化為元龜入王後宮宮

妾未齟而遭之既笄而孕無夫而生子懼而棄之即褒
姒也

漢書曰張倉妻妾百數嘗孕者不復幸

又曰鈎弋夫人懷昭帝十四月乃生上以堯十四月而
生今鈎弋亦然乃命門曰堯母門

又曰初王禁妻李親任政君在身夢月入其懷

范曄後漢書曰鮮卑檀名槐者其父救鹿侯初從匈奴
軍三年其妻在家生子投鹿侯怪欲殺之妻言會行聞

雷震欲仰天視而電入口因吞遂任身十月而產子

又曰靈帝王美人妊娠畏何后乃服藥欲除之而胎安
堅終自不動又夢見負日而行四年乃生皇子協后遂
酖殺美人帝大怒欲廢后諸宦官固請得止董太后自
養協號董侯

東觀漢記曰張奐為武威太守其妻懷孕夢見帶魚印
綬登樓而歌乃訊之於占者曰必生男復臨茲邦命終
此樓既而生猛以建安中為武威太守殺刺史邯鄲商

州兵圍之急猛恥見擒乃登樓自焚而死

魏畧曰昔北方有靺鞨國者其王侍婢有身王欲殺之婢云有氣如雞子來下我故有身後生子王捐之於溷中豬以喙噓之徙於馬欄中馬以氣噓之王疑以為天生乃令其母收畜之名曰東明帝令牧馬東明善射王恐奪其國欲殺之東明走至淹水以弓擊水魚鱉浮為橋東明因得渡魚鱉散追兵不得渡東明因都王夫餘之地也

又曰黃牛先種孕身六月生

吳錄曰武烈皇帝姓孫名堅字文臺母有身夢腸繞吳閭門

又曰長沙桓王名策字伯符武烈長子母吳氏有身夢月入懷

晉書曰賈后酷以戟摘諸宮人孕子皆隨刃以死

晉陽秋曰初太宗諸子繼天諸姬絕娠令扈謙卜繇云後房當有女誕三男一女終大戚於是盡出後宮及諸婢悉

見之織坊中有一人色黑宮人謂之崑崙相者驚曰此是也帝因而召幸之生烈宗

秦書曰符堅母荀氏浴漳水經西門豹祠歸夜夢若有龍蛇感已遂懷娠而生堅

三國典畧曰周太祖宇文泰之母曰王氏初姪五月夜夢抱子昇天纔不至而止寤以告德皇帝帝喜曰雖不至天貴亦極矣

列子曰思士不妻而感思女不夫而孕后稷生乎巨跡

伊尹生乎空桑

莊子曰舜之治天下使民心競民孕婦十月而生子子生五月而能言不至乎孩而始誰則始又有天矣

呂氏春秋曰有仇氏女子採桑得嬰兒于空桑之中獻之其君察其所以然曰其母居伊水之上孕夢有神告之曰白出水而東走毋顧明日視白水告其隣東走十里而顧其邑盡為水身因化為空桑

淮南子曰孕婦見兔其子缺脣見麋其子必四目

帝王世記曰庖犧氏風姓也母曰華胥燧人之代有大迹出雷澤胥履之生庖犧

又曰帝堯陶唐氏祁姓也母曰慶都孕十四月而生堯於丹陵名曰放勛

遁甲開山圖榮氏解曰女狄暮汲於石紐山下大祠前水中得月精如雞子愛而含之不覺而吞遂有身十四月而生夏禹

括地圖曰大人國其民孕三十六年而生兒生兒長大

能乘雲蓋龍類去會稽四萬六千里

外國圖曰方丘之上暑濕生男子三十而死其潼水婦人入浴出則乳矣是去九嶷二萬四千里

烈女傳曰簡狄者帝嚳之次女也妃有娥氏之女與姊妹浴於玄丘水之上有玄鳥銜卵而墜五色甚好相與競取之簡狄得而吞之有姪遂生契

又曰太姒者文王之母性專一及其有身目不視惡色耳不聽惡聲口不出惡言以胎教也

會稽先賢傳曰吳侍中闕澤字德潤在母胞八月叱聲震外

蜀郡記曰諸山夷獠子娘七月生生時必臨水兒出便投水中浮則取養沉乃棄之

華佗別傳曰甘陵相夫人有胎六月腹痛十餘日大極請佗視脉佗曰有兩胎一已死便手摹其胎在左男也在右女也右死即為湯下之便愈

洞冥記曰東方朔母田氏寡居夢太白星臨其上因有

姪田氏歎曰無夫而姪人將棄我乃移向代都東方里為居五月旦生朔因以所居里為氏朔為名

博物志曰徐君宮人有娠而生卵以為不祥棄於水濱獨孤母有犬名鵠倉獵於水濱得所棄卵銜以來歸獨孤母以為異覆煖之遂蠕成兒生時正偃故以為名徐君宮中聞之乃更錄取長而仁智襲君徐國後鵠倉臨死生角而九尾實黃龍也偃王葬之徐界中

又曰婦人妊娠不欲見醜惡物異鳥獸食亦當避異常

味欲見熊虎豹射御食牛心白犬肉鯉魚頭正席而坐
割不正不食聽誦詩書諷詠之聲不聽淫聲不視邪色
以此產子子賢明端正壽考所謂胎教之法

異苑曰瞽瞍生舜微在生孔子其有胎教也哉婦人任
孕未滿三月著葷冠衣平旦左繞井三匝映井水許硯
影而去勿返顧勿令葷見必生男

又曰魏興李宣妻樊氏義熙中懷妊過期不孕而額上
有創兒穿之以出長為將今猶存名胡兒

又曰太原溫盤石母懷身三年然後生墮地便坐而笑
髮覆面牙齒皆具

續搜神記曰袁真在豫州遣紀靈送妓女阿薛阿郭阿
馬三妓與桓宣武至經時三人半夜共出庭前觀望忽
見一流星夜從天直墮盆水中罔然明淨薛郭二人更
以瓢酌水皆不得阿馬最後取星正入瓢中便飲之即
覺有孕遂生桓南郡

幽明錄曰譙郡胡馥之娶婦李氏十餘年無子而婦卒

哭慟云竟無遺體遂此酷何深婦忽然起坐曰感君藏
悼我不即朽君可瞑後見就依平生時陰陽當為君生
一男語畢還卧馥之如言不取燈燭暗而就之交接後
歎曰亡人亦無生理可別作屋見置瞻視滿十月然後
殯爾來覺婦身微暖如未亡既及十月果生一男男名
靈產

論衡曰后稷之母衣帝嚳之服坐息帝嚳處而妊身
又曰傳言黃帝任二十月而生生而神靈弱而能言

語林曰張衡之初死蔡邕母始孕此二人才貌相類時人云邕是衡之後身

太平御覽卷三百六十

欽定四庫全書

太平御覽卷三百六十一

宋 李昉等 撰

人事部二

產

產

詩曰乃生男子載寢之牀乃生女子載寢之地

又生民曰厥初生民時惟姜嫄誕彌厥月先生如達

后稷

之在其母終人道十月而
生生如達之生言易也

不圻不𪔐無𪔐無害

言易也凡人在

母母則病生則圻𪔐
𪔐害其母橫逆人道

以赫厥靈上帝不寧不康禋祀居

然生子

禮記內則曰妻將生子及月辰居側室

側室謂夾之室次燕寢也夫

使人日再問之至於生夫復使人日再問之子生男子

設弧於門左女子設帨於門右

弧者有事于武者也帨者婦人之佩巾

三

日始負子男射女否國君世子生告於君接以太牢三

日卜士負之射人以桑弧蓬矢六射天地四方

左傳隱公元年曰初鄭武公娶于申曰武姜生莊公及共叔段莊公寤生驚姜氏故名寤生

又襄五年曰初宋芮司徒生女子赤而毛棄諸堤下共姬之妾取以入名之曰棄長而美

又昭七年曰叔向娶生申巫臣氏生伯石伯石始生子容之母走謁諸姑

子容母叔向嫂伯華妻也

曰長叔姒生男姑視之

及堂聞其聲而還曰是豺狼之聲也狼子野心非是莫喪羊舌氏矣遂弗視

又昭七年曰公衍公為之生也其母階出

出之王
日產舍

公衍

先生公為之母曰相與偕出請相與偕告

晉公衍母使
待已共白公

三日公為生其母先以吾公為為兄公私喜於陽穀而

思於魯曰務人為此禍

務人公為也始與
公若謀逐季氏

且後生而為

兄其誣也久矣乃黜之而以公衍為太子

家語曰子夏問曰商聞易之生人及萬物鳥獸昆蟲各

有奇偶氣分不同而凡人莫知其情惟達道德者能原

其本焉天一地二人三三三為九九九八十一一主日

日數十故人十月而生八九七十二偶以承奇主辰辰
為月月主馬故馬十二月而生七九六十三三主斗斗
主狗故狗三月而生六九五十四四主時時主豕故豕
四月而生五九四十五五為音音主猿故猿五月而生
四九三十六六主律律主鹿故鹿六月而生三九二十
七七主星星主虎故虎七月而生二九一十八八主風
風主蟲故蟲八月而化其餘各從其類矣鳥魚生於陰
而屬陽故皆卯生齧吞者八竅而卯生齧嚼者九竅而

胎生日生者類父夜生者類母敢問其皆然乎孔子曰然吾聞諸老聃亦如子之言也

史記楚世家曰吳田生陸終陸終生六子圻圉而生焉又曰田嬰有子四十餘人其賤妾有子名文以五月生嬰告其母勿舉也其母竊舉生之及長因其兄弟而見其子文於田嬰嬰怒其母曰吾令若去此子而敢生之何也文質頰首曰君所不舉五月子者何故嬰曰五月子者長及戶齊將不利其父母文曰人生受命於天乎

受命於戶耶嬰默然文曰必受命於天君何憂焉必受命於戶則不可高其戶耶

漢書曰高祖七年春令民產子復勿事三歲

勿事不使役也

又曰盧綰與高祖同里綰親與高祖太上皇相愛及生男高祖綰同日生里中持羊酒賀兩家及高祖綰壯學書又相愛也

又曰武帝征伐四夷重賦於民民產子三歲則出口分至於生子輒殺元帝議令民產子七歲及出口分

東觀漢記曰敬隱宋后以王莽末年生遭世倉卒其母不舉棄之南山下時天寒冬十一月再宿不死外家出過於道南聞有兒啼聲怜之因往就視有飛鳥紆翼覆之沙石滿其口鼻能喘心怪違之以有神靈遂取而持歸養長至年十三歲乃以歸宋氏

後漢書曰竇武母產武并產一蛇

又曰虞延初生上有物若一疋練遂上升天占者以為吉

魏志曰黃初六年三月魏郡太守孔羨表黎陽令程放書言掾汝南屈雍妻王以去年十月十二日在草生男兒從右腋生水腹下而出其母自若無他異痛今瘡已愈母子安全無災無害也

王隱晉書曰齊王冏輔政太安元年有婦人詣大司馬門寄產吏驅之婦人曰我截齊便去耳言畢不見識者聞而惡之至二年謀反誅

又曰程咸字延林魏郡武安人也其母夜夢白頭公授

之以藥曰服此當生貴子也生咸好學有才為鍾毓主
記毓弟會問有可語更否毓乃稱咸

孫盛晉陽秋曰魏舒適主人妻產俄聞車馬之聲問其
男女從者入反曰男也年十五年以兵死又問寢者對
曰魏公舒

于寶晉記曰愍帝建興三年抱罕之人產一龍子色似
錦文望之如見神光在牀上少有就視者

後魏書曰太祖道武皇帝諱珪獻明皇帝之子也以建

國三十四年七月七日生於參合陂北明年有榆生於
埋胞之坎遂成林

前趙錄曰劉淵字元海父豹母呼延夢服日精十三月
而生淵劉聰母曰張夫人十五月生聰焉

三十國春秋曰前晉蒲洪父懷歸為部落小師其母婁
氏因寤產洪驚悸而寤

又曰後涼禿髮烏孤七世祖壽闡之在孕也母夢一老
父被髮在袵乘白馬謂曰爾夫雖西移終當東返至京

必生貴男長為人主言終胎動而寤後寢生壽闈被中因以禿髮為號壽闈為名

後趙書曰黎陽民妻產三男一女勒賜乳母穀綿以為休祥

崔鴻南燕錄曰慕容德鮑少子母公孫夫人晉咸康中晝寢生德左右以告方寤而起既生似鄭莊公曰長必有大德遂以德為名

宋書曰王敬則母為女巫常謂人云敬則生時胞衣紫

色後應得鳴鼓角人笑之曰汝子得為人吹角可矣

又曰王鎮惡之產也當五月五日家人欲棄之其祖猛
曰昔孟嘗君如是而相齊此兒必興吾族因以鎮惡為
名

又曰范曄字蔚宗母如廁產之額為磚所傷故以磚為
小字

北齊書曰武明婁皇后諱昭君性寬厚不妬忌高祖率

衆將討西寇出師之夜后變

生患切雙生子也

生一男一女左

右以危急請追告高祖后弗聽曰王出統大兵何得以
我故輕離大軍

唐書曰幽州節度使劉濟怱之長子初母難產既產
侍見是一大蛇黑氣勃勃莫不驚走及長頗異常童
所居室焚人皆驚救濟從容而出衆異之累歷牧宰及
怱為節度濟為行軍司馬怱卒軍人習河朔舊事濟請
代父為帥朝廷從之

莊子曰厲之夜半生其子也遽取火而視之汲汲然恐

其似已也

呂氏春秋曰夏侯孔甲佃于東陽蒗山大風晦迷入民室主人方乳或曰后來是良日也子必大吉或曰不勝必有殃咎乃取歸曰為余子誰敢殃之子成人幕動析

橑

音老

斧破斬其足遂為守者孔子曰嗚呼有命矣

西京雜記曰王鳳五月五日生其父欲勿舉其母曰田文五月五日生父嬰勅其母勿舉母竊舉之後為孟嘗君以古事推之非不祥遂舉之

又曰霍將軍妻產二子疑所為兄弟或曰前生為兄後生為弟今雖俱曰亦宜以先生者為兄或曰居上者宜為兄居下者宜為弟居下前生今宜以前生為弟時霍光聞之曰昔殷王祖甲一產二子曰囂曰良以卯生囂以巳生良則以囂為兄以良為弟若以後生為兄囂亦當為弟矣昔許釐公一產二女曰妖曰茂楚大夫唐勒生二子一男一女男曰貞夫女曰瓊華皆以先生者為長近代鄭昌時文長倩並一生二男滕公一生二女季

黎一生一男一女並以前生者為長霍氏亦以前生為兄焉

玄中記曰朱梧縣其民服役依海際居產子以沙石自擁不食米正資魚以為生氣

又曰丈夫民殷帝大茂使王英採藥於西王母至此絕糧不能進乃食木實衣以木皮終身無妻產子二人從背骨間出其父則死是為丈夫去玉門二萬里

外國圖曰長人國姓六年乃生而白首兒長大則乘雲

而不還龍類也

崔玄山瀨鄉記曰李母祠在老子祠北二里祠門左有碑文曰老子聖母李夫人碑老子者道君也始起乘白鹿下託於李母胞中七十二年產於楚國淮陽苦縣瀨鄉曲仁里老子名耳星精也字伯陽號曰聃

孔演圖曰孔子母徵在遊大澤之陂睡夢黑帝使請已已往夢交語曰汝乳必於空桑之中覺則若感生丘於空桑中

廣志曰獠民皆七月生

帝系曰陸終娶鬼方國君之妹謂之女嬪生六子孕而不育三年啓其母左脅三人出右脅三人出

風俗通曰生三子不舉俗說生子至於三子似六畜言其妨父母故不舉之也謹按春秋國語越王勾踐令民生三子者與之乳母生二子者與之餼三子力不能獨養故與乳母所以人民繁息卒滅強吳雪會稽之耻行霸於中國者也古陸終氏娶于鬼方謂之女嬪是生六

子皆為諸侯今人多生三子子悉成長父母完安豈有
天所孕育而害其父母兄弟者哉

又曰不舉寤生子俗說兒墮地未能開目視者謂之寤
生舉寤生子妨父母謹按春秋左氏傳鄭武公娶于申
曰武姜生莊公及共叔段莊公寤生驚姜氏因名寤生
武公老終天年姜氏亦然安有妨其父母乎

又曰汝南周霸字翁仲為太尉掾婦於乳舍生女自毒
無男時屠婦北卧得男因相與私貨易裨錢數萬後翁

仲為北海相吏周光能見鬼署光為主簿使還致敬於郡縣因告光曰事訖臘日與小兒俱上冢去冢經十二年不躬蒸嘗主簿微察知相先君寧息會同飲食忻娛否往到於冢上郎君沃醑主簿俯伏在後但見屠者弊衣蠱結倨神坐持刀割肉有五時衣帶青黑綬數人彷徨陰堂東西廂不敢來前光恠其故還至引見問之乞屏左右起造於膝前白事狀如此翁仲曰主簿出勿言因持劍上堂謂嫗汝何故殺吾子嫗大怒曰卿常言兒聲

氣喜學似我老公欲死欲作狂語翁仲曰祀祭如不具服子母立截嫗辭窮情竭泣涕具陳其故時子已年十八呼與辭決曰凡有子者欲以承先祖先祖不享血食無可奈何自以衣裘僮僕車馬遣迎取其女女嫁為賣姪子婦後適西平李文思文思官至南陽太守翁仲便養從弟子熙為高邑令

又曰潁川有富室兄弟同居兩婦數月皆懷姙長婦胎傷因閉匿之產期至同到乳母舍弟婦生男夜因盜取

之爭訟三年州郡不能決丞相王霸出坐殿前令卒抱兒去兩婦各十步叱婦曰自往取之長婦抱持甚急兒大啼叫弟婦恐傷害之因乃放與而止甚悽愴長婦甚喜霸曰此弟子也責問乃伏

又曰不舉父同月子俗云妨父也按左傳桓公之子與父同月生因名子同漢明帝亦與光武同月生

神仙傳曰老子母懷之七十歲乃生時割其左腋而生而白首故謂之老子

列仙傳曰木羽鉅鹿南祁鄉人貧母王助產嘗探兒兒生開眼視母大笑母乃驚怖仍夢見大冠赤幘者守兒曰此司命君也當報汝使汝子木羽得仙後生兒字木羽所探兒年十五夜有車馬迎之過呼木羽為我御來遂相隨去

列異傳曰華子魚為諸生嘗宿人門外主人婦夜生有兩吏來詣其門便相向僻易欲退相謂曰公在此因踟躕良久一吏曰籍當定柰何得住乃前向子魚拜相將

人出共語曰當與幾歲一人曰當與三歲子魚後故往視之兒果年三歲已死乃自喜曰我固當公後果為太

慰

續搜神記同

益部耆舊傳曰哀牛夷者其先有婦人名沙一居于牢山嘗捕魚於水中觸沉木若有感因懷妊十月產子男十人後沉木化而為龍出水沙一忽聞龍語曰若生我子今悉何在九子見龍驚走獨小子不能走背龍而坐龍就而舐之其母為語謂背為九謂坐為隆因名小子

曰九隆及後長大諸兄共推以為王

博物志曰蜀郡諸山夷名曰獠子婦人妊身七月生時
必須臨水兒生便置水中浮即養之沉便遂弃也至長
皆拔去其上齒後狗牙各一以為身飾

論衡曰黃帝二十月而生

又曰唐文伯河東蒲坂人也其生亦以夜半時適生有
人從門呼其父名父出應之不見人見一木杖植其門
側好善異為衆其父杖入門以示人占曰吉文伯位至

廣漢太守以杖當得子之力矣

譙周法訓曰一產二子者當以後生者為兄言其先胎也答曰此野人之鑿語耳君子不測暗安知胎之先後也

傅子曰昔燕趙之間有三男子共娶一女生四子後爭訟廷尉延壽奏云禽獸生子逐母宜以四子還母尸三男子于市

世說曰胡廣本姓黃五日生父母惡之乃置之甕投于

江湖翁見甕流下聞有小兒啼聲往取因長養之以為
子登三司流有中庸之號廣後不治其本親服云我本
親已為死人也世以此為深譏焉

搜神記曰陳仲舉微時嘗宿黃申家而申婦方產有叩
申門者家人咸不知久久方聞屋裏有言賓堂下有人
不可進叩門者相告曰今當從後門往其一人便往有
頃還留者問之是何等名為何當與幾歲往者曰男也
名為奴當與十五歲後應以何死答曰應以兵死仲舉

告其家曰吾能相此兒當以兵死父母驚之寸刃不使得執也至年十五有置鑿于梁上者其末出奴以為木也自下鈎之鑿從梁下陷腦而死後仲舉為豫章太守故遣吏往餉之申家并問奴所在其家以此具告仲舉仲舉歎曰此命也

異苑曰魏郡徐逮字君及婦平昌孟氏生兒頭有一角一脚頭正仰向通身盡赤落地無聲乘空而去

又曰丹陽縣駱慶婦生一男一虎一狸狸虎毛色斑黑

牙爪皆備即殺之兒經六日而死母不異

又曰沛國武漂之妻林氏元嘉中懷身得病而死俗忌含胎入柩中要須剖出妻乳母傷痛之乃撫尸而祝曰若天道有靈無令死被擘裂須臾尸面靚然上色於是呼婢共扶之俄頃兒墮而尸倒也

嵩高山記曰昔陽翟有婦人妊身三十月乃生子從母背上出五歲便入此山學道神明為母立祠因號曰開母祠焉

太平御覽卷三百六十一

欽定四庫全書

太平御覽卷三百六十二

宋 李昉等 撰

人事部三

姓

名

姓

說文曰姓人所生也古之神聖人母感天而生子故稱
天子因生以從女女生亦聲也

易類謀曰黃帝吹律以定姓

左傳隱八年曰無駭卒羽父請諡與族公問族於衆仲

衆仲對曰天子建德因生以賜姓

因其所由生以賜姓謂若舜媽汭故謂陳

為媽姓

胙之土而命之氏諸侯以字

諸侯位卑不得賜姓故其臣因氏其王父

字為諡因以為族官有世功則有官族邑亦如之公命

以字為展氏

無駭公子展之孫故為展氏也

又襄四年曰穆叔如晉范宣子逆之問焉曰古人有言

曰死而不朽何謂也穆叔未對宣子曰昔句之祖自虞

以上為陶唐氏在夏為御龍氏在商為承韋氏在周為唐杜氏晉主夏盟為范氏其是之謂乎穆叔曰以豹所聞此之謂世祿非不朽也

史記曰太公望呂尚者東海上人其先祖嘗為四嶽佐禹平水土甚有功虞夏之際封於呂本姓姜氏從其封姓故曰呂尚

漢書曰夏侯嬰為滕令故號滕公及魯孫頗尚主主隨外家姓號孫公故滕公子孫更為孫氏

又曰戌卒婁敬求見說上曰陛下取天下與周異而都
雒陽不硬不如入關據秦之固上以問張良良因勸上
是日車駕西都長安拜婁敬為奉春君賜姓劉氏

又曰灌夫潁陰人也父張孟嘗為潁陰侯灌嬰舍人因
得幸進之至二千石故蒙灌氏姓為灌孟

師古曰
蒙冒也

又曰衛青字仲卿其父鄭季河平陽人也以縣吏給事
東侯家平陽侯曹壽尚武帝姊陽信長公主李與主家
僮衛嫗通生青青有同產兄衛長君及子夫子夫自平

陽公主家得幸武帝故青冒姓衛氏

漢書曰京房字君明東郡頓丘人也房本姓李推律自定為京氏

後漢書曰第五倫字伯魚京兆人也其先諸田人諸田徙園陵者多故以次第為氏

崔鴻三十國春秋夏錄曰赫連勃勃下書曰朕之皇祖自北還幽朔姓改妣氏音殊中國故從母氏為劉子而從母之姓非禮也朕將以義易之帝王者係天為子是

為徽實與天連今改姓曰赫連氏庶協皇天之意其非
正統皆以鐵伐為氏庶朕宗族子孫剛銳如鐵皆堪伐
人

三國典畧曰周蔡祐字承先陳留圉人齊安郡守襲之
子也有膂力便騎射太祖以其戰功賜姓大利稽氏

唐書曰康國即漢康居之國也其王姓溫月氏先居張
掖祁連山北昭武城為突厥所破南依葱嶺遂有其地
校庶皆以昭武為姓示不忘本也

又曰則天朝博州刺史琅琊王冲據博州起兵冲父豫州刺史越王貞又舉兵於豫州與相應討平之改姓為虺氏

又曰尚可孤東部鮮卑宇文之別種也代居松漠之間天寶末歸國隸安祿山後事史思明上元中歸順累授左右威衛二大將軍魚朝恩之統禁軍愛其勇力甚委遇之俾為養子奏改姓魚氏

又曰李金畧者本姓王名簡為鎮州小將事王武俊元

和中節度使王承宗歿軍情不安自拔歸朝授代州刺史及長慶初鎮州軍亂害田弘正穆宗為乏盱食以簡嘗為將召問其計簡遂極言利害願有以自效明年擢拜橫海軍節度使賜姓李氏名全畧以崇寵之

白虎通曰人所以有姓者何所以崇恩愛厚親親遠禽獸別婚姻也故紀世別類使生相愛死相哀同姓不得相娶皆為重人倫也姓者生也人稟天氣所以生者也詩云天生蒸民尚書曰平章百姓姓所以有百者何以

為古者聖人吹律定姓以記其族人合五常而生正聲
有五宮商角徵羽轉而相雜五五二十五轉生四時異
氣殊音悉備故姓有百也所以有氏者何所以貴功德
下伎力或氏其官或氏其事聞其氏即可知矣所以勉
人為善也或氏王父字者何所以別諸侯之後為興滅
國繼絕世也王者之子稱王子王者之孫稱王孫諸侯
之子稱公子公子之子稱公孫公孫之子各以其王父
字為氏故春秋有王子瑕論語有王孫賈又有衛公子

荆公孫朝魯有仲氏孟氏叔氏季氏楚有昭屈景氏齊
有高國崔盧氏以知其子孫也王者之子亦稱王子兄
弟立而皆封也或曰王者之孫亦稱王孫刑德放曰堯
知命表稷契賜姓于姬臯陶典刑不表姓言天任德遠
刑禹姓姁祖昌意以蕙苒生啟姓子氏祖以玄鳥子生
也周姓姬氏祖以履大人跡生也

風俗通曰萬類之中唯人為貴春秋左氏傳官有世功
即有官族邑亦如之公羊譏衛滅邢論語貶昭公娶於

吳誤同姓也蓋姓有九或氏於號或氏於諡或氏於爵
或氏於國或氏於官或氏於字或氏於居或氏於事或
氏於職以號唐虞夏殷也以諡戴武宣穆也以爵王公
侯伯也以國曹魯宋衛也以官司馬司徒司寇司空司
城也以字伯仲叔季也以居城國園池也以事巫卜陶
丘也以職三馬五鹿青牛馬也

三輔舊事曰堯母字慶都配高辛氏而生堯因主人伊
長儒為姓謂之伊

陳留風俗傳曰侯氏侯爵周微官失其守故以侯爵為姓

又曰秦之先曰伯翳佐舜擾馴鳥獸錫姓曰嬴氏其後分封以國為姓有徐氏郟氏黃氏江氏

文士傳曰東哲字廣微疏廣後也王莽末廣曾孫孟造自東海避難歸蕪城改姓去疎之足為東氏

世說曰諸葛令恢與王丞相共爭姓族前後王曰何不言葛王而言王葛諸葛曰譬如驢馬不言馬驢驢寧勝

馬耶

論衡曰孔子推律自知殷之苗也

名

禮記曲禮上曰名子者不以國不以日月不以隱疾不

以山川

此在常語之中為後難諱也春秋傳曰終將諱之

又曰二名不偏諱孔子之母名徵在言徵不稱在言在不稱徵也

又曲禮下曰君子已孤不更名

重本也

又大傳曰名者人治之大也可无慎也

人治行以正人

左傳桓公曰初晉穆侯之夫人姜氏以條之役生太子
命之曰仇其弟以千畝之戰生命之曰成師師服曰異
哉君之名子也夫名以制義義以出禮禮以體政政以
正民是以政成而民聽易則生亂嘉耦曰妃怨耦曰仇
古之命也

自古有此言也

今君命太子曰仇弟曰成師始兆亂

矣兄其替乎

又曰子同生以太子生之禮舉之公問名於申繻對曰

夫名有五有信有義有象有假有類以名生為信

若唐叔虞

魯公

以德命為義

若文王名昌武王名發也

以類命為象

若孔子首象居丘山

取

於物為假

若伯魚生人有饋之魚因名之曰鯉

取於父為類

若子同生有與父同者也

不以國

君之子不自以本國為名也

不以官不以山川不以隱疾不

以畜牲不以器幣周人以諱事神名終將諱之

君父之名固非

臣子所斥言故既卒則以木鐸徇曰舍故而諱新謂舍親盡之祖而諱新死者

故以國則廢名

以官則廢職以山川則廢主以畜牲則廢祀以器幣則

廢禮晉以僖侯廢司徒

僖侯名司徒廢於中軍也

宋以武公廢司空

武公名司空廢於司城也先君獻武廢二山二山具傲也魯獻公名具武公名敖是以

大物不可以命公曰是其生也與吾同物命之曰同物類

也謂同日也

又閔公曰成季之將生也桓公使卜楚丘之父卜之曰

男也其名曰友及生有文在其手曰友遂以命之遂以爲名

又文公曰鄭瞞侵齊鄭瞞狄國名遂伐我公卜使叔孫得臣

追之吉冬十月敗狄于鹹獲長狄僑如僑如鄭瞞國之君以命

宣伯得臣特事而名其曰三子因名宣伯曰僑如以旌其功也

又宣上曰楚鬬伯比淫于邳子之女生子文棄諸莽中
虎乳之邳子畋見之使收之楚人謂乳為穀謂虎為於
菟故命之關穀於菟

又宣上曰鄭文公有賤妾曰燕姑夢天使與已蘭曰予
是為伯儵余爾祖也以是為而子以蘭有國香人服媚
之如是既而文公見之與之蘭而御之辭曰妾不才幸
而有子將不信敢徵蘭乎公曰諾生穆公名之曰蘭

又定下曰魯嘗越生子將待事而名之楊州之役獲焉

名之曰陽州

欲自比
僑如

漢書曰司馬相如小名犬子及長慕藺相如為人更名相如

後漢書曰趙岐字臺卿生於御史臺因字臺卿

東觀漢記曰廉范為蜀郡守令民不禁火百姓皆喜家得其願時生子皆以廉為名者千數

魏志曰程昱本名立夢登太山捧日人或以夢告太祖太祖曰終為吾腹心遂上加日

又曰鄧艾字士載棘陽人年十二隨母至潁川讀故太丘長陳寔碑文言為世範行為士則艾遂自名範字士則後宗族有與同者故改焉

又曰王昶字文舒太原人其為兄子及子作名字皆一依謙實以見其意故兄子默字處靜沉字處道其子渾字玄冲深字道遂書戒之曰夫人之道莫大於寶身全行以顯父母

吳志曰立子暉為太子注曰休制曰孤今為四子作名

字太子名_音霍音如湖水灣_音灣之灣字_音箇音如迄今之迄
次子名_音尅音如兕觥之觥字_音霁音如玄_音嘖首之嘖_音次
子名_音齷音如草莽之莽字_音盥音如舉物之舉次子名_音放
音如褒衣下寬大之褒字_音寅音如有所推持之推此都
不與世所用者同故抄_音葛文會合作之

江表傳曰顧雍從蔡伯喈學專一清淨敏而易教伯喈
貴異之謂曰卿必成致今以吾名與卿故雍與伯喈同
名由此也吳錄曰雍字元歎言為蔡邕之所歎也

晉書曰謝玄破苻堅於淮淝先有童謠云誰謂爾堅石
打破故桓豁以石名子以邀其功

晉中興書曰咸和元年當徵嶽峻司徒導欲出王舒為
外援及更拜撫軍將軍會稽內史秩中二千石舒上疏

以父名會不得作會稽朝議以字同音異於禮无嫌舒

陳音雖異而字同乞換他郡於是改會字為鄧古會切舒

不得已親職

崔鴻十六國春秋前涼錄曰李弇字子玉隴西狄道人

也奔本名良又妻姓梁張駿戲之曰卿名良妻姓梁夫妻相同稱子孫將何以目其舅氏昔耿弇以少年立功立事吾今賴卿有同於耿氏乃賜名曰弇

又曰陳安成紀平庄人也少慷慨讀書見許褚而慕之乃自字虎侯

後魏書曰游肇字伯始高祖賜名尚書令高肇世宗之舅為百寮懾憚以肇名與已同飲令改易肇以高祖所賜秉志不許高肇甚銜之世宗嘉其剛梗

又曰太和初宋弁為殿中郎中高祖嘗因朝會之次歷訪治道弁年少官微自下而對聲姿清亮進止可觀高祖稱善者久之因是大被知遇賜名為弁意取弁和獻王楚王不知寶也

宋書曰廢帝諱昱字德融小字惠震明帝長子也大明七年正月辛丑生於衛尉府太宗諸子在孕皆以周易筮之即以所得之卦為小字故帝字惠震

又曰王景文美風姿好言玄理少與陳郡謝莊齊名太

祖甚相欽重故為太宗娶景文妹而以景文名名太宗
又曰顏峻為丹陽尹加散騎常侍先是峻未有子而大司
馬江夏王義恭諸子為元凶所殺至是並各產男上自
為制名名義恭子為伯禽以比魯公伯禽周公旦之子
也名峻子為辟疆以比漢侍中張辟疆張良之子也

宋書曰謝莊五子颺

力計切

肱顗從

音

滌

音

世謂莊名子

以風月景山水

梁書曰張嶷字四山初嶷父稷為剡令至嶷亭生之因

名嶧字四山少敦孝行年三十餘猶斑衣受糴杖動至數百收淚歡然

三國典略曰周陸逞字季明綏德郡公通之弟也初名彥字世雄魏文帝嘗從容謂之曰爾既溫裕何乃字世雄且為世之雄非所宜也於爾兄弟又復不類遂改焉南史曰陳文帝嘗謂宣帝曰我諸子皆以伯為名汝諸子宜用叔為稱宣帝因以訪毛喜喜即條自古名賢杜叔英喜虞叔卿等二十餘人以啟之文帝稱善

白虎通曰人必有姓名何以吐情自紀尊事人者也論語曰名不正則言不順三月名之何天道一時物有其變人生三月目煦亦能咳笑與人相答故因其始有知而名之故禮傳曰子生三月則父名之名之於祖廟者謂子之親廟也明當為宗祖子也一說名之於燕寢名者幼小卑賤之稱也質畧故於燕寢殷以日名子何殷家質直故以生日名也尚書言太甲帝乙武丁也於名臣亦得以甲乙生日名子不使亦不止也以尚書道殷

臣有巫敢有祖已也何以諸侯不象王者以生日名子也
也以大王名亶甫王季名歷此殷之諸侯也不以子且為名
何曰甲乙者幹也子且者枝也幹者本本貫故以甲乙為名也
名或兼或單何名子非一或聽其聲律定其名或依其事旁於形
故或兼或單也依其事者若后稷是也弃之因名為棄旁其形者
孔子首類魯尼丘山故為之
名也

風俗通曰表賀字元服祖父京為侍中安帝始加元服

京入賀而賀始生因名之曰賀而字元服

鄭玄別傳曰玄一子名益字益思年二十三相國孔府君舉學廉府君以多寇屯都昌為賊管亥所圍乃令從家將兵奔救遇賊見害時年二十七也妻有遺體生男玄以太歲在丁卯生此男以丁卯旧生生义手理與玄相似故名曰小同

孟宗別傳曰孟宗為豫章太守民思其惠路有行歌故時之生子者多以孟為名

江祚別傳曰祚為南安太守民思其德生子多以為名字

蜀禮書曰賈夷字景叔梓潼人也太始初內移河東少仕晉臺為倉部令史懷帝時為安富令中原喪亂玉衡七年歸國武帝素聞夷名重之皇子雅生因名賈夷

秦記曰後帝泓字元時東宮生邵弘言于父曰君之於臣先生之與其門人名之可也至於同官之於僚黨同姓之於昆弟同門之於朋友可以稱其字而不可斥其

名故公羊傳曰名不如字者非謂其人之名不如其字
尊乃謂為人所字則近乎見尊為人所名則近乎見卑
也古之君子之名子也必以信義而擇淑令所以祥其
名也不以官職所以殊其名也不以畜弊所以重其名
也不以隱疾所以顯其名也通告內外所以昭其名也
書而藏之所以寶其名也賤者避焉所以貴其名也冠
而有字所以尊其名也名成乎禮字依乎名名字之本
字名之末也為本故尊為末故卑尊故其禮詳卑故其

事畧也且婦人无名故賤於丈夫野人无名故賤於學士名者已之所以事尊尊者之所以命已字則已之所以接卑卑者所以稱已未有用之于尊而為卑用之于卑而為尊者也

搜神記曰齊惠之妾蕭桐子見御有身以其賤不敢言也取薪而生頃公於野又不敢舉也狸乳鷓覆之人見而收之因名无野

何稹玄壽賜名叙曰新婦荀氏所生女以歲在丁丑四

月五日日始出時生此月斗建巳其日又巳其時加卯
甲乙卯皆東南春夏天地動發萬物滋生令月吉之善
時也又於易卦震位在卯巽位在巳震為長男巽為長
女而此女孫正用茲日斯時始旦日月宜依先祖之靈
寔臨祐之玄髮素顏婦人之上姿也壽考无疆生民之
至願也故賜名曰玄壽焉

太平御覽卷三百六十二